



REPUBLIKA E SHQIPËRISË
KOMISIONI I PROKURIMIT PUBLIK

Nr. 2878/19 prot

Datë 22.02..2024

V E N D I M
Nr. 209/2024

Komisioni i Prokurimit Publik, i përbërë nga:

Jonaid Myzyri	Kryetar
Anila Malaj	Anëtar
Kreshnik Ternova	Anëtar

Në mbledhjen e datës 22.02.2024, mori në shqyrtim çështjen me,

Objekt: Mbi zbatimin e vendimit të Komisionit të Prokurimit Publik Nr. 57/2024, datë 16.01.2024 për procedurën e prokurimit “Procedurë e hapur, e thjeshtuar”, me Nr. REF-83646-10-13-2023, me objekt: “NSHP, BOJË FOSFORESHENTE”, me fond limit 3,000,000 lekë (pa TVSh), zhvilluar me datë 26.10.2023 nga autoriteti kontraktor, “Ndërmarrja e Shërbimeve Publike, Bashkia Vlorë”.

Ankimues: Operatori ekonomik “EN-BJO” SHPK, me NIPT (K872172050), me adresë: Lagjja “Pavarësia”, Bulevardi “Ismail Qemali”, Pallati Nr.458, Hyrja Nr.11, Kati 1, Vlorë

Autoriteti Kontraktor: “Ndërmarrja e Shërbimeve Publike, Bashkia Vlorë”, me adresë: Lagjja, Kushtrimi; Rruga “Dervish Hekali” Vlorë.

Baza Ligjore: Ligji nr. 162/2020 “Për Prokurimin Publik”, Vendimi i Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, Vendimi i Komisionit të Prokurimit Publik Nr. 766, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik”. Neni 4, i Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”.

Komisioni i Prokurimit Publik, pasi shqyrtoi dokumentacionin e çështjes dhe e diskutoi në tërësi,

Vëren:

I

Rrethanat e çështjes

I.1. Në datë 16.01.2024, Komisioni i Prokurimit Publik mori vendimin Nr. 57/2024, datë 16.01.2024, ku vendosi:

[...]

1. Të pranojë pjesërisht ankesën e operatorit ekonomik “En - Bjo” SHPK për procedurën e prokurimit “Procedurë e hapur, e thjeshtuar”, me Nr. REF-83646-10-13-2023, me objekt: “NSHP, BOJË FOSFORESHENTE”, me fond limit 3,000,000 lekë (pa TVSh), zhvilluar më datë 26.10.2023 nga autoriteti kontraktor, “Ndërmarrja e Shërbimeve Publike, Bashkia Vlorë”.
2. Autoriteti kontraktor të rishikojë arsyet e skualifikimit të operatorit ekonomik “En - Bjo” SHPK dhe të korrigjojë shkeljet e konstatuara si më sipër.
3. Autoriteti kontraktor, brenda 5 ditëve, të vërë në dijeni Komisionin e Prokurimit Publik për zbatimin e këtij vendimi, duke dokumentuar veprimet e kryera.
4. Ngarkohet zyra e financës të kryejë veprimet për kthimin e tarifës financiare të paguar nga operatori ekonomik “En - Bjo” SHPK.
5. Kundër këtij vendimi mund të bëhet ankim në Gjykatën Administrative të Apelit.
6. Kopje e këtij vendimi i dërgohet për njoftim Agjencisë së Prokurimit Publik.

Ky vendim hyn në fuqi menjëherë.

I.2. Me shkresën nr. 58/1 prot., datë 24.01.2024, protokolluar me tonën me nr. 2878/11 prot., datë 26.01.2024, autoriteti kontraktor Ndërmarrja e Shërbimeve Publike, Bashkia Vlorë, njofton se ka zbatuar vendimin Nr. 57/2024, datë 16.01.2024, të Komisionit të Prokurimit Publik, për procedurën e prokurimit “Procedurë e hapur, e thjeshtuar”, me Nr. REF-83646-10-13-2023, me objekt: “NSHP, BOJË FOSFORESHENTE”, me fond limit 3,000,000 lekë (pa TVSh), zhvilluar më datë 26.10.2023 nga autoriteti kontraktor, “Ndërmarrja e Shërbimeve Publike, Bashkia Vlorë.

I.3. Në datë 29.01.2024, Komisioni i Prokurimit Publik mori vendimin Nr. 107/2024, datë 29.01.2024, ku vendosi:

1. Të mos lejojë autoritetin kontraktor për vijimin me hapat e mëtejshëm të procedurës së prokurimit “Procedurë e hapur, e thjeshtuar”, me Nr. REF-83646-10-13-2023, me objekt: “NSHP, BOJË FOSFORESHENTE”, me fond limit 3,000,000 lekë (pa TVSh), zhvilluar më datë 26.10.2023 nga autoriteti kontraktor, “Ndërmarrja e Shërbimeve Publike, Bashkia Vlorë”.
2. Autoriteti kontraktor, të vërë në dijeni Komisionin e Prokurimit Publik për zbatimin e vendimit, duke dokumentuar veprimet e kryera.
3. Kopje e këtij vendimi i dërgohet për njoftim Agjencisë së Prokurimit Publik.

Ky vendim hyn në fuqi menjëherë.

I.4. Autoriteti kontraktor, në datën 08.02.2024, ka dorëzuar praë KPP shkresën nr. 58/6 prot., datë 06.02.2024, protokolluar me tonën me nr. 2878/16 prot., datë 08.02.2024, me objekt “Kërkesë për asistencë”.

II

Komisioni i Prokurimit Publik

Pasi shqyrtoi dokumentacionin e mësipërm,

Arsyeton

II.1. Autoriteti kontraktor, në datën 08.02.2024, ka dorëzuar praë KPP shkresën nr. 58/6 prot., datë 06.02.2024, protokolluar me tonën me nr. 2878/16 prot., datë 08.02.2024, me objekt “Kërkesë për asistencë”.

Nisur nga shkresa e mësipërme e paraqitur nga autoriteti kontraktor, nga verifikimi i kryer në sistemin e prokurimeve elektronike, konstatohet se, autoriteti kontraktor nuk ka pasqyruar rishikimin e arsyeve të skualifikimit të operatorit ekonomik “EN-BJO” SHPK, në zbatim të pikës 2 të dispozitivit të vendimit K.P.P 57/2024, datë 16.01.2024 të Komisionit të Prokurimit Publik.

Konkretisht, sqarojmë se në pikën III.2.10. të pjesës “Arsyetoi”, të vendimit Nr. 57/2024, datë 16.01.2024, KPP ka arsyetuar se: *“Në rastin konkret, nga verifikimi në SPE vihet re, se në përmbushje të kriterit më sipër operatori ekonomik ankimues ka dorëzuar “Fletë të dhënash teknike, nga prodhuesi DEUTSCH Color, Straben 80- G”, ku paraqiten karakteristikat teknike të bojës. Në kriteret e veçanta të kualifikimit në pikën 2.3.3 “Operatori ekonomik ofertues për mallrat objekt - prokurimi duhet të paraqesë katalogun/et ose fragmente të katalogut/eve ose skedat teknike të mallrave objekt - prokurimi”. Nga verifikimi i katalogut (“Fletë të dhënash teknike, nga prodhuesi DEUTSCH Color, Straben 80- G”) të paraqitur nga operatori ekonomik “En – Bjo” SHPK , gjujmë, se në këtë të fundit nuk pasqyrohen të gjitha ngjyrat e kërkuesit nga autoriteti kontraktor, pasi në dokumentin “Fletë të dhënash teknike”, në gjuhën shqipe përcaktohet ngjyra “E disponueshme e bardhë dhe e verdhë trafiku”. Komisioni gjykon, se operatorët ekonomikë janë të detyruar të përgatisin ofertat, në përputhje me kërkesat e përcaktuara në dokumentet e tenderit dhe ofertat që nuk përgatiten në përputhje me këto dokumente duhet të refuzohen si të papranueshme.*

Për sa i përket pretendimit të operatorit ekonomik ankimues në lidhje me arsyen e skualifikimit se “Nuk ploteson Shtojcës 5 të specifikimeve teknike, është kërkuar pesha specifike 1.75±0.10 kg/lt dhe është ofruar 1,60±0,05 gr/ml”, KPP nga verifikimi i specifikimeve teknike për artikujt e mësipërm, konstaton, se kërkohet Pesha specifike 1.75±0.10 kg/lt, ndërkohë referuar katalogut të paraqitur nga operatori ekonomik ankimues, përcaktohet specifikimi teknik Densiteti (i bardhë) 1,60±0,05 gr/ml. Referuar arsyes së skualifikimit të dhënë nga autoriteti kontraktor, konstatojmë, se nuk përputhet kërkesa në specifikimet teknike (Pesha specifike) të dokumenteve të tenderit me specifikimin teknik (Densiteti (i bardhë)) në katalogun e operatorit ekonomik ankimues,

specifikim teknik të cilit i referohet autoriteti kontraktor në arsyen e skualifikimit. Për këtë arsye, KPP gjykon, se autoriteti kontraktor para konstatimit të tij për skualifikimin e operatorit ekonomik ankimues, duhet të kërkonte sqarime në lidhje me pasqyrimin e specifikimit teknik Peshë specifike 1.75 ± 0.10 kg/lt, në katalogun e paraqitur nga operatori ekonomik “En – Bjo” SHPK.

Për sa më sipër pretendimi i operatorit ekonomik “En - Bjo” SHPK, qëndron pjesërisht.”

II.1.2. Pra sa më sipër, autoriteti kontraktor Ndërmarrja e Shërbimeve Publike, Bashkia Vlorë, në zbatim të pikës III.2.10. të pjesës “Arsyetoj”, si dhe në zbatim të pikës 2 të dispozitivit të vendimit Nr. 57/2024, datë 16.01.2024, duhet të rishikojë arsyet e skualifikimit të operatorit ekonomik “En - Bjo” SHPK.

Përsa më sipër, në mbështetje të ligjit nr. 162/2020 “Për Prokurimin Publik”, Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, nenit 46 i Vendimit të Komisionit të Prokurimit Publik Nr. 766, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik”, Neni 4, i Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”, Komisioni i Prokurimit Publik, njëzëri,

Vendos

1. Të mos lejohet autoritetin kontraktor për vijimin me hapat e mëtejshëm të procedurës së prokurimit “Procedurë e hapur, e thjeshtuar”, me Nr. REF-83646-10-13-2023, me objekt: “NSHP, BOJË FOSFORESHENTE”, me fond limit 3,000,000 lekë (pa TVSh), zhvilluar me datë 26.10.2023 nga autoriteti kontraktor, “Ndërmarrja e Shërbimeve Publike, Bashkia Vlorë”.
2. Autoriteti kontraktor, të vërë në dijeni Komisionin e Prokurimit Publik për zbatimin e vendimit, duke dokumentuar veprimet e kryera.
3. Kopje e këtij vendimi i dërgohet për njoftim Agjencisë së Prokurimit Publik.

Ky vendim hyn në fuqi menjëherë.

KOMISIONI I PROKURIMIT PUBLIK

Anëtar
Kreshnik Ternova

Anëtar
Anila Malaj

Kryetar
Jonaid Myzyri

